



**REPUBLIKA E SHQIPËRISË**  
**AUTORITETI I KOMUNIKIMEVE ELEKTRONIKE DHE POSTARE**  
**-Këshilli Drejtues-**

---

**V E N D I M**

**Nr.1958, datë 24.05.2012**

**Për**

**“Miratimin e dokumentit për këshillim publik “Mbi dhënien e të drejtave të përdorimit në brezat e frekuencave 1900-1980 MHz, 2110-2170 MHz, brezi - UMTS”**

Këshilli Drejtues (**KD**) i Autoritetit të Komunikimeve Elektronike dhe Postare (**AKEP**), i përbërë nga:

1. Z. Piro	Xhixho	Kryetar
2. Z. Alban	Karapici	Anëtar
3. Znj. Alketa	Mukavelati	Anëtar
4. Z. Benon	Paloka	Anëtar
5. Znj. Zamira	Nurçe	Anëtar

dhe sekretare Znj. Marsida Drushku, në mbledhjen e datës 24.05.2012, sipas procedurës së përcaktuar në ligjin nr. 9918 datë 19.05.2008 “Për Komunikimet Elektronike në Republikën e Shqipërisë”, ligjin nr. 8480, datë 27.05.1999 “Për funksionimin e organeve kolegjiale të administratës shtetërore dhe enteve publike” dhe Rregullores së Brendshme të AKEP-it, mori në shqyrtim, çështjen me objekt:

**“Miratimin e dokumentit për këshillim publik “Mbi dhënien e të drejtave të përdorimit në brezat e frekuencave 1900-1980 MHz, 2110-2170 MHz, brezi - UMTS””**

**BAZA LIGJORE:**

1. Kodi i Procedurës Administrative (**Kpra**);
2. Shkronja g) dhe gj) e nenit 8, pika 2 e nenit 65, pika 1 dhe 2) e nenit 68, të ligjit nr. 9918, datë 19.05.2008 “ Për Komunikimet Elektronike në Republikën e Shqipërisë” (**ligji nr. 9918**);
3. VKM Nr.322, datë 5.5.2010 “Për miratimin e Dokumentit të Politikave për Komunikimet Elektronike në Republikën e Shqipërisë”;
4. Pika 17 e nenit 21 “Rregullores së Brendshme të AKEP (ish ERT)” (**Rregullorja e Brendshme**), miratuar me Vendim të Këshillit Drejtues (**VKD**) të ERT-së, Nr. 170, datë 24. 04. 2004, e ndryshuar dhe në fuqi sipas pikës 3 të nenit 138 të ligjit nr. 9918;

## **K Ë SHILLI DREJTUES:**

Nga shqyrtimi i materialit shkresor si më poshtë:

1. Relacioni shpjegues mbi dokumentin për këshillim publik “Mbi dhënien e të drejtave të përdorimit në brezat e frekuencave 1900-1980 MHz, 2110-2170 MHz, brezi - UMTS”;
2. Dokumenti për këshillim publik “Mbi dhënien e të drejtave të përdorimit në brezat e frekuencave 1900-1980 MHz, 2110-2170 MHz, brezi - UMTS”;
3. Projektvendimi përkatës, si dhe diskutimet në mbledhje mbi çështjen;

Duke iu referuar bazës ligjore të sipërcituar,

### **V Ë R E N s e :**

1. Dokumenti për këshillim publik “Mbi dhënien e të drejtave të përdorimit në brezat e frekuencave 1900-1980 MHz, 2110-2170 MHz, brezi - UMTS” është përgatitur në përputhje me kuadrin ligjor përkatës.  
Hartimi i dokumentit është bazuar në pikën 2 të nenit 65, pikën 1 dhe 2) të nenit 68 të ligjit nr. 9918, datë 19. 05. 2008 “Për komunikimet elektronike në Republikën e Shqipërisë” (ligji nr. 9918), si dhe përmbushjen me sukses të politikës së zhvillimit të sektorit të komunikimeve elektronike miratuar me VKM Nr.322, datë 5.5.2010 “Për miratimin e Dokumentit të Politikave për Komunikimet Elektronike në Republikën e Shqipërisë”,
2. Qëllimi rregullator mbi dhënien në përdorim të këtyre frekuencave është:
  - të nxisë një konkurrencë sa më efektive në tregun e komunikimeve elektronike dhe përdorimin sa më të frytshëm të frekuencave në rastet e kufizimit të tyre.
  - të krijojë një kuptim më të qartë për impaktin që do të ketë dhënia në përdorim e këtyre brezave ;
  - të njohë interesin për marrjen në përdorim të tyre (numrin e kërkesave) ;
  - të njohë cmimin që janë të gatshëm të ofrojnë të interesuarit për një brez të caktuar ;si dhe të mundësojë krijimin e një terreni të përshtatshëm për procedurën e dhënies së të drejtave të përdorimit të frekuencave, etj.

### **P Ë R K Ë T O A R S Y E:**

Bazuar në Kodin e Procedurave Administrative, dhe ligjin nr. 9918, datë 19.05.2008,

### **V E N D O S:**

1. Miratimin e dokumentit për këshillim publik “Mbi dhënien e të drejtave të përdorimit në brezat e frekuencave 1900-1980 MHz, 2110-2170 MHz, brezi - UMTS”.
2. Periudha e këshillimit publik fillon nga data e publikimit të dokumentit në mediat e shkruara kombëtare dhe është 45 ditë.
3. Njoftimi për këtë këshillim të botohet në gazeta të përditshme në vend.

4. Ky vendim të publikohet në faqen e internetit [www.akep.al](http://www.akep.al)

Ky vendim hyn në fuqi menjëherë.

**K R Y E T A R I**

**Piro XHIXHO**

**ANËTARËT E KËSHILLIT DREJTUES:**

1. **Alban KARAPICI** \_\_\_\_\_
2. **Alketa MUKAVELATI** \_\_\_\_\_
3. **Benon PALOKA** \_\_\_\_\_
4. **Zamira NURÇE** \_\_\_\_\_

## NJOFTIM PËR KËSHILLIM PUBLIK

### MBI

## DHËNIEN NË PËRDORIM TË BREZAVE TË FREKUENCAVE

### UMTS (*Universal Mobile Telecommunications System*)

### 1900-1980 MHz dhe 2110-2170 MHz

Autoriteti i Komunikimeve Elektronike dhe Postare (AKEP), në mbështetje të pikës 3 të nenit 114, të ligjit nr. 9918, datë 19. 05. 2008 “Për komunikimet elektronike në Republikën e Shqipërisë” (ligji nr. 9918), me qëllim: nxitjen e një konkurrence sa më eficiente në tregun e komunikimeve elektronike dhe përdorimin sa më të frytshëm të frekuencave në rastet e kufizimit të tyre sipas pikës 2 të nenit 65 të ligjit nr.9918, si dhe përmbushjen me sukses të politikës së zhvillimit të sektorit të komunikimeve elektronike miratuar me VKM Nr.322, datë 5.5.2010 “Për miratimin e Dokumentit të Politikave për Komunikimet Elektronike në Republikën e Shqipërisë”;

bazuar në: kompetencat, detyrimet dhe procedurën ligjore sipas shkronjës g) dhe gj) të nenit 8, dhe nenit 68 të ligjit nr. 9918, në plotësim të kërkesave të sipërmarrësve për frekuenca, nis këshillimin publik për dhënie të drejtash përdorimi në brezat e frekuencave

**‘UMTS-Universal Mobile Telecommunications System’1900-1980 MHz, 2110-2170 MHz**

AKEP, në mënyrë që :

- të krijojë një kuptim më të qartë për impaktin që do të ketë dhënia në përdorim e këtyre brezave ;
- të njohë interesin për marrjen në përdorim të tyre (numrin e kërkesave) ;
- të njohë cmimin që janë të gatshëm të ofrojnë të interesuarit për një brez të caktuar ; si dhe
- të mundësojë krijimin e një terreni të përshtatshëm për procedurën e dhënies së të drejtave të përdorimit të frekuencave, etj.

zhvillon këtë këshillim publik përpara se të futet në procesin përfundimtar të dhënies në përdorim të këtyre brezave.

Materiali i mëposhtëm përmban opinione të AKEP, shpjegime si dhe pyetjet për pjesëmarrësit në këtë këshillim publik.

### **A-Të përgjithshme :**

1. Sipas vlerësimit të kryer nga AKEP dhe rezultateve të procesit të këshillimit publik të kryer me palët e interesuara për këtë qëllim, në gjysmën e parë të vitit 2010, disponibiliteti i

frekuencave në brezat 1900-1980 MHz, 2110-2170 MHz (UMTS), ishte për dhënien e 4 (katër) të drejtave për përdorimin e tyre.

2. Me dhënien e dy Autorizimeve të mëparshëm Individual për përdorimin e frekuencave të brezit 1920.3-1935.3/2110.3-2125.3 MHz dhe 1900.0-1905.0 MHz sipërmarrësit “Vodafone Albania” Sh.a., dhe brezit 1935,3-1950, / 2125,3 – 2140,1 MHz dhe 1905-1910 MHz sipërmarrësit Albanian Mobile Communications Sh.a. nëpërmjet zbatimit të tenderit publik miratuar me Vendim të Këshillit Drejtues të AKEP-it, disponibiliteti i frekuencave në këto breza është për 2 (dy) të drejta përdorimi:

### **Synimi i Qeverisë është:**

Implementimi i një procesi dhëniesh të drejtash përdorimi objektiv dhe transparent në përfitim të konsumatoreve shqiptare dhe ekonomisë shqiptare, i cili përfshin përmbylljen e procesit të dhënies së të drejtave të përdorimit në brezat UMTS, krijimin e një tregu konkurrues në Shqipëri, si dhe përdorimin efektiv të spektrit.

### **Pjesa e parë:**

Pjesëmarrësit në këtë këshillim janë të ftuar të bëjnë komentet e tyre mbi secilën nga ceshtjet, që janë trajtuar në këtë dokument.

Përgjigjet e marra do të bëhen publike dhe do të jenë pjesë e një informacioni, duke ruajtur konfidencialitetin.

### **1. Kushtet dhe termat në lidhje me autorizimet UMTS**

Kjo pjesë e këshillimit ka lidhje me përgatitjen e fazës përfundimtare për dhënien e autorizimeve UMTS.

#### **1.1. Grafiku i lëshimit të autorizimit**

Plani kombëtar i radiofrekuencave (PKRF), vendimet dhe rekomandimet e CEPT/ECC, ligji për komunikimet elektronike në Republikën e Shqipërisë, VKM Nr.322, datë 5.5.2010 “Për miratimin e Dokumentit të Politikave për Komunikimet Elektronike në Republikën e Shqipërisë”, VKM Nr. 1252, datë 10. 09. 2008 “ Për miratimin e rregullave të zhvillimit të tenderit publik, i ndryshuar, për dhënien e së drejtës së përdorimit të frekuencave” (VKM Nr. 1252), i ndryshuar, etj., janë dokumentet kryesore që do të mbahen parasysh në trajtimin e këtij procesi.

AKEP mendon se interesi në këto breza frekuencash është më i madh se disponibiliteti për caktim në këto breza. AKEP siguron këta operatorë të ardhshëm se procesi i dhënies të këtyre autorizimeve do të jetë transparent dhe konform legjislacionit në fuqi që kanë lidhje me këtë proces. Lidhur me parashikimet, AKEP mendon se dhënia e këtyre autorizimeve do të përfundojë brenda vitit 2012.

## 1.2. Burimet e spektrit për operatorët UMTS

Plani Kombëtar i Radio Frekuencave përcakton brezat ku mund të autorizohen shërbimet UMTS. Në përputhje me praktikën e ndjekur nga të gjitha vendet e Europës, AKEP propozon brezat:

<b>A</b>	<b>2x15 MHz spektër i çiftuar (1950-1965 - çiftuar me 2140-2155) dhe, 5 MHz spektër i paçiftuar (1910-1915)</b>
<b>B</b>	<b>2x15 MHz spektër i çiftuar (1965-1980 - çiftuar me 2155-2170) dhe, 5 MHz spektër i paçiftuar (1915-1920)</b>

Në kuptim të këtij dokumenti “spektër UMTS” do të kuptojmë brezat e mësipërm të radiofrekuencave.

Kufizimi i numrit të të drejtave për të përdorur frekuencat lidhet me brezin e kufizuar në dispozicion të këtij shërbimi dhe me detyrimin e përdorimit sa më efikas të tyre.

***Pyetja 1: A jeni dakort me këtë ndarje të brezave? Po me sasinë e spektrit për cdo të drejtë përdorimi?***

Numri i të drejtave që mund të jepen për përdorimin e frekuencave në brezat e frekuencave UMTS, sipas germës A të tabelës së vendosur në pikën 1.2 të këtij dokumenti është 2(dy);

***Pyetja 2: Mendoni se do të jetë më e përshtatshme të jepet një e drejtë përdorimi apo dy të drejta përdorimi në të njëjtën kohë ? Ju lutemi komentin Tuaj.***

## 2. Kohëzgjatja e vlefshmërisë së Autorizimeve dhe numri i tyre

AKEP mendon që vlefshmëria e një autorizimi të lëshuar të jetë 15 vjet.

## 3. Cmimi për brezat e dhënë në përdorim

AKEP ka dhënë dy Autorizimeve Individuale për përdorimin e frekuencave të brezit UMTS dhe konkretisht :

- në brezin 1920.3-1935.3/2110.3-2125.3 MHz dhe 1900.0-1905.0 MHz për sipërmarrësin “Vodafone Albania” Sh.a., me vlerë 31.400.000 Euro, datë 02.12. 2010 dhe
- në brezin 1935,3-1950,/ 2125,3 – 2140,1 MHz dhe 1905-1910 MHz për sipërmarrësin Albanian Mobile Communications Sh.a. me vlerë 15.100.000 Euro, datë 28.09.2011.

***Pyetja 3: Cila është vlera që jeni të gatshëm të paguani për Autorizim sipas përcaktimit të bërë në pikën 1.2 të këtij dokumenti?***

#### **4. Procedura e dhënies së Autorizimit**

Për këtë çështje AKEP do të mbështetet në ligjin Nr. 9918 dt.19.05.2008 “Për Komunikimet Elektronike në Republikën e Shqipërisë” neni 7, neni 67, 68, 69 dhe VKM Nr.479 dt.04.05.2009 (Plani Kombëtar i Radio Frekuencave-PKRF), VKM nr. Nr.1252 datë 10.9.2008, i ndryshuar, dhe në rezultatet e këtij këshillimi publik.

#### **4.1. Kriteret e kualifikimit**

##### **4.1.1-Kriteret e përzgjedhjes**

Aplikimi i procedurës së tenderit publik të përcaktuar në Vendimin Nr.1252, datë 10.9.2008 “Për miratimin e rregullave të zhvillimit të tenderit publik, për dhënien e së drejtës së përdorimit të frekuencave”, i ndryshuar.

##### **4.1.2 -Kriteret e vlerësimit**

Kriteret e vlerësimit të ofertave të jenë të njejta me ato të aplikuara në tenderin e parë e të dytë të zhvilluar për këtë qëllim:

- a- Çmimi i ofertës*
- b- Koha e mbulimit me shërbim*

AKEP fton sipërmarrësit të shprehin në lidhje me kriteret e mbulimit me shërbim në shkallë gjeografike të përcaktuara në tabelën e mëposhtme:

<b>Periudha nga koha e marrjes së Autorizimit Individual</b>	<b>Shënime</b>
Deri në fund të 6 mujorit të parë	<b>Jo më pak se 35% të territorit</b>
Deri në fund të 12 muajve	<b>Jo më pak se 65% të territorit</b>
<b>Deri në fund të 18 muajve</b>	<b>Jo me pak se 85% të territorit</b>

#### **5. A ka ndonjë çështje tjetër për tu marrë në konsideratë në këtë proces?**

**Grupi i punes:**

**Shefqet Meda**

**Frederik Kote**

**Vasil Mitezi**